



**IZVJEŠTAJ O OSTVARENJU GODIŠNJEG PLANA IMPLEMENTACIJE STRATEGIJE
LOKALNOG RAZVOJA OPŠTINE HAN PIJESAK ZA 2018. GODINU**

Han Pijesak, juli 2019. godine

1. UVOD

Cilj ovog izvještaja je da na jednostavan i jasan način predstavi rezultate implementacije Strategije lokalnog razvoja opštine Han Pijesak tokom 2018. godine. Njegova svrha je da pokrene sve bitne aktere na razmišljanje i doprinese boljem donošenju odluka o strateškim prioritetima i operativnim ciljevima u narednim godinama. U tom smislu, ovaj dokument sadrži pouke i preporuke za budući rad i predlaže mjere za poboljšanje procesa i rezultata implementacije Strategije.

Strategiju lokalnog razvoja Opštine Han Pijesak za period 2018-2027. izradio je Opštinski razvojni tim opštine Han Pijesak, uz tehničku i stručnu podršku obezbijedenu kroz Projekat integrisanog lokalnog razvoja (ILDP) u okviru Razvojnog programa Ujedinjenih nacija (UNDP). Proces izrade Strategije je poštovao principe transparentnosti i participativnosti što znači da su organizovani periodični sastanci te da su formirane sektorske radne grupe i Partnerska grupa za razvoj koje su uzele aktivno učešće u samom procesu izrade dokumenta.

Strategija lokalnog razvoja Opštine Han Pijesak za period 2018-2027. usvojena je na XIX sjednici Skupštine opštine, održanoj 28.09.2018. godine, a za njenu realizaciju je zadužen Načelnik opštine, načelnici odjeljenja i Jedinica za upravljanje razvojnim aktivnostima. Kao operativni instrument za realizaciju strategije, Opština priprema trogodišnji plan implementacije (1+2) svake godine od usvajanja strategije. Detaljan plan implementacije za 2018-2020. godinu je pripremljen i objavljen na web stranici opštine.

Ovaj izvještaj se odnosi na implementaciju strateških, odnosno sektorskih, prioritetnih projekata u 2018. godini, koji se, po MiPRO metodologiji, planiraju uz konsultacije sa svim bitnim akterima u zajednici u svim fazama implementacije strategije.

Nosilac izrade trogodišnjeg Plana implementacije (1+2) kao i izvještaja je Jedinica za upravljanje razvojnim aktivnostima (JURA). Izvještaj je pripremljen u saradnji sa predstavnicima svih unutrašnjih organizacionih jedinica Opštine.

Podaci o implementaciji se kontinuirano prikupljaju tokom cjelokupnog perioda koji pokriva ovaj izvještaj i to korištenjem Alata za praćenje implementacije Strategije (Excel tabela za praćenje projekata) i na osnovu definisanih sektorskih i makroekonomskih pokazatelja (SMI tabela). Podaci se timski analiziraju, na osnovu čega se priprema kvalitativni osvrt na posmatrani period implementacije, kao i pouke i preporuke za naredni period.

2. STRATEŠKI CILJEVI I PRIORITETI

2.1. Vizija

Strategijom lokalnog razvoja Opštine Han Pijesak za period 2018-2027. godine, definisana je sljedeća vizija:

Han Pijesak - "krunisan" privrednim potencijalima, prirodnim ljepotama i kulturno-istorijskim naslijeđem

2.2. Strateški ciljevi

Strategijom lokalnog razvoja Opštine Han Pijesak za period 2018-2027. godine, definisana su tri strateška cilja:

Strateški cilj 1. Unaprijediti privredu uz efikasno korištenje prirodnih resursa

Strateški cilj 2. Izgraditi kvalitetnu javnu i društvenu infrastrukturu

Strateški cilj 3. Sačuvati bogato prirodno nasljeđe uz primjenu ekoloških principa i načela održivog razvoja

2.3. Sektorski ciljevi

Strateški prioriteti za razvoj opštine su: lokalni ekonomski razvoj, društveni razvoj i zaštita životne sredine. U okviru ovih sektora, definisani su sljedeći ciljevi:

Lokalni ekonomski razvoj

Sektorski cilj 1. Povećati stepen korištenja instaliranih kapaciteta i nivoa finalizacije proizvodnje u prerađivačkom sektoru

Sektorski cilj 2. Unaprijediti lanac vrijednosti u poljoprivrednoj proizvodnji

Sektorski cilj 3. Razviti turizam na osnovama prirodnih resursa i kulturno-istorijskog nasljeđa

Društveni razvoj

Sektorski cilj 1. Ekonomski i društveno valorizirati razvoj objekata iz oblasti sporta, kulture, zdravstva i socijalne zaštite

Sektorski cilj 2. Poboľjšati dostupnost i kvalitet predškolskog obrazovanja i odgoja

Sektorski cilj 3. Povećanje efikasnosti i kapaciteta lokalne samouprave

Sektorski cilj 4. Poboľjšati dostupnost, kvalitet i sigurnost javne infrastrukture

Zaštita životne sredine

Sektorski cilj 1. Izgraditi komunalnu infrastrukturu (vodovodnu, kanalizacionu, upravljanje otpadom)

Sektorski cilj 2. Povećati energetska efikasnost i korištenje obnovljivih izvora energije

2.4. Ključni planirani prioriteti i fokusi za posmatrani godišnji period (2018. godina)

Ključni prioriteti lokalnog ekonomskog sektora

U skladu sa definisanim sektorskim ciljevima, ključni prioriteti lokalnog ekonomskog razvoja za 2018. godinu su usmjereni na uspostavljanje uslova za unapređenje i razvoj poljoprivrede. Planirana su sredstva za podršku lancima vrijednosti u mljekarstvu i uspostavljanju pijace u Han Pijesku, podrška udruženjima poljoprivrednika te pronalaženje strateških partnera za investiranje u drvnu i tekstilnu industriju.

Ključni prioriteti društvenog sektora

U društvenom sektoru za 2018. godinu ključni prioriteti su: podrška razvoju sporta i kulture, podrška primarnoj zdravstvenoj i socijalnoj zaštiti, obrazovanju, razvoju infrastrukture i bezbjednosti građana. To se prije svega odnosi na dostupnost primarne zdravstvene zaštite, podršku licima u

stanju socijalne potrebe, pronatalitetnu politiku, stipendiranje studenata, organizaciju kulturnih i sportskih manifestacija, rekonstrukciju i sanaciju društvenih objekata, te modernizaciju i sanaciju puteva na području opštine Han Pijesak. Fokusiranjem na ulaganje u sve segmente društvenog razvoja Opština bi unaprijedila kvalitet života građana, što doprinosi realizaciji sektorskih ciljava društvenog razvoja.

Ključni prioriteti sektora zaštite životne sredine


U sektoru zaštite životne sredine za 2018. godinu ključni prioriteti su: upravljanje otpadom, poboljšanje sistema vodosnabdijevanja, prikupljanja i tretmana oborinskih i otpadnih voda, sanacija i investiciono održavanje javnih objekata i unapređenje energetske efikasnosti u zgradama javnog sektora.

2.5. Zbirni pregled prioriternih projekata i okvira za njihovo finansiranje obuhvaćenih Planom implementacije 2018-2020. Godinu

Za planski period 2018-2020. godine ukupno je planirano 34 projekta. Posmatrajući po razvojnim sektorima za period 2018-2020. godine, u sklopu ekonomskog sektora je ukupno planirano 12 projekata, u društvenom sektoru 12 te u sektoru zaštite životne sredine 10 projekata. Za realizaciju ovih projekata planirano je ukupno 6.691.000 KM, od toga u periodu 2018-2020. godine iz vlastitih izvora 3.593.833, iz eksternih 1.838.833 KM.

U nastavku je dat grafički prikaz strukture planiranih projekata po broju projekata po sektorima, izvorima finansiranja i finansijskim parametrima.

Finansijska struktura projekata



Što se tiče eksternih izvora finansiranja, najveći iznos je planiran sa entitetskog nivoa, zatim kreditna sredstva, potom od privatnih preduzeća, donatorskih organizacija, privatnih izvora i državnog nivoa. Kako bi se što bolje iskoristili eksterni izvori finansiranja, Opština je u prethodnom periodu aplicirala za finansiranje projekata kako kod domaćih tako i kod inostranih donatora.

Kada posmatramo strukturu projekata po sektorima, najveći iznos sredstava je planiran da se utroši za projekte iz društvenog sektora.


3. PREGLED IMPLEMENTACIJE STRATEGIJE INTEGRISANOG RAZVOJA

3.1. Pregled implementacije strategije u izvještajnoj 2018.godini

U 2018. godini u Strategiji lokalnog razvoja je planirana implementacija 13 projekata ukupne vrijednosti 1.303.500 KM, od čega je iz Budžeta opštine Han Pijesak planirano 459.500 KM (35%), dok je iz eksternih izvora 844.000 KM (65%). Od planiranih projekata i mjera za 2018. godinu, iz oblasti ekonomskog razvoja je bilo dva čija je ukupna vrijednost 43.500 KM, iz sektora društvenog razvoja 7 ukupne vrijednosti 1.029.000 KM dok je iz sektora zaštite životne sredine bilo 4 projekta čija je vrijednost 231.000 KM.

U toku 2018. godine, od ukupnog broja planiranih projekata i mjera realizovano je u potpunosti ili djelimično 13 čija je ukupna vrijednost 883.300 KM pri čemu je iz budžeta uloženo 339.300 KM (38%) dok je iz eksternih izvora obezbijeđeno 544.000 KM (62%). Od ovog broja tri projekta su započeta u 2018. godini, ali je finansijska i operativna realizacija pomjerena na 2019. godinu. Za određeni broj projekata je pokrenuta procedura javne nabavke, potpisan ugovor ili započeti su radovi ali ugovorene obaveze nisu u potpunosti sprovedene.

Planirane i realizovane vrijednosti projekata u izvještajnoj godini



U tabelama u nastavku je dat detaljan prikaz ukupno realizovanih projekata u odnosu na planirano, ukupno i po sektorima.

Tabela 1. Pregled planiranih i realizovanih projekata u 2018. godini (svi sektori)

PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	13	1.303.500,00	459.500,00	844.000,00
% struktura finansiranja od A			35,25%	64,75%
U REALIZACIJI				
B. Ukupan broj u cijelosti ili djelimično realiziranih projekata	13	883.300,00	339.300,00	544.000,00
% u cijelosti ili djelimično realiziranih projekata (od A)	100,00%	67,76%		

% struktura (od B)			38,41%	61,59%
C. Ukupan broj djelimično realiziranih projekata	10	311.300,00	184.300,00	127.000,00
% djelimično realiziranih projekata (od A)	76,92%	23,88%		
% struktura (od C)			59,20%	40,80%
D. Ukupan broj u cijelosti završenih projekata	3	572.000,00	155.000,00	417.000,00
% djelimično realiziranih projekata (od A)	23,08%	43,88%		
% struktura (od D)			27,10%	72,90%

Tabela 2. Finansijska projekcija planiranih i ostvarenih projekata raspoređenih po sektorima na osnovu Plana implementacije

Oblast	Zbir finansijskih vrednosti projekata		Struktura finansiranja realizovanih projekata	
	Planirano	Realizovano	Budžet (%)	Ostalo (%)
Ekonomski sektor	43.500,00	8.500,00	100,00%	0,00%
Društveni sektor	1.029.000,00	753.800,00	37,38%	62,62%
Sektor zaštite okoliša	231.000,00	121.000,00	40,50%	59,50%
Ukupno	1.303.500,00	883.300,00	38,41%	61,59%
% po planu implementacije		67,76%		

Sektor ekonomskog razvoja

U sektoru ekonomskog razvoja za 2018. godinu planirana su dva projekta: Uspostavljanje Pijace u Han Pijesku i Podrška razvoju lanaca vrijednosti u mljekarstvu. Oba projekta su djelimično realizovana u 2018. godini, jer se radi o višegodišnjim projektima. Za realizaciju ovih projekata je planirano 43.500 KM, a izdvojeno 8.500 KM što je 19,54 % realizacije u odnosu na planirani iznos. U ovom sektoru sredstva koja su namijenjena za realizaciju projekata su bila 80,46% iz eksternih izvora dok su iz Budžeta opštine Han Pijesak 19,54%.

(Detaljne informacije su prikazane u tabelama u nastavku teksta).

Tabela 3. Pregled planiranih i ostvarenih projekata u ekonomskom sektoru u 2018. godini

PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	2	43.500,00	8.500,00	35.000,00
% struktura finansiranja od A			19,54%	80,46%
U REALIZACIJI				
B. Ukupan broj u cijelosti ili djelimično realiziranih projekata	2	8.500,00	8.500,00	-
% u cijelosti ili djelimično realiziranih projekata (od A)	100,00%	19,54%		
% struktura (od B)			100,00%	0,00%
C. Ukupan broj djelimično realiziranih projekata	2	8.500,00	8.500,00	-

% djelimično realiziranih projekata (od A)	100,00%	19,54%		
% struktura (od C)			100,00%	0,00%
D. Ukupan broj u cijelosti završenih projekata	0	-	-	-
% djelimično realiziranih projekata (od A)	0,00%	0,00%		
% struktura (od D)			#DIV/0!	#DIV/0!

Društveni sektor

U društvenom sektoru za 2018. godinu planirano je ukupno 7 projekata. Za realizaciju ovih projekata planirano je 1.029.000,00 KM, a izdvojeno je 753.800,00 KM što je 73,26% u odnosu na planirani iznos. U ovom sektoru sredstva namjenjena za realizaciju projekata su veća iz eksternih izvora i iznosila su 65,69% dok su sredstva iz budžeta 34,2% od ukupno planiranih sredstava u ovaj sektor. Od realizovanih sredstava 62,62% je ostvareno iz vanjskih izvora, dok je 37,38% uloženo iz budžeta opštine. Najznačajniji projekti koji su realizovani su Rekonstrukcija i sanacija Sokolskog doma i Sanacija objekta Doma kulture. Finansijski značajno ulaganje se odnosi na Izgradnju, sanaciju i rekonstrukciju lokalnih puteva. Projekti manje vrijednosti koji se realizuju u fazama, a započeti su u 2018. godini su: Uređenje dječijih igrališta i Uređenje gradskih parkova. Projekat Izrada prostornog i urbanističkog plana je prolongiran zbog žalbenog postupka u proceduri javne nabavke. Projekat Nabavka vatrogasnog teškog navalnog vozila je takođe pomjeren na 2019. godinu, zbog naknadnih procedura vezanih za uvozne dadžbine koje rješava Vatrogasni savez RS.

Tabela 4. Pregled planiranih i ostvarenih projekata u društvenom sektoru u 2018. godini

PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	7	1.029.000,00	353.000,00	676.000,00
% struktura finansiranja od A			34,31%	65,69%
U REALIZACIJI				
B. Ukupan broj u cijelosti ili djelimično realiziranih projekata	7	753.800,00	281.800,00	472.000,00
% u cijelosti ili djelimično realiziranih projekata (od A)	100,00%	73,26%		
% struktura (od B)			37,38%	62,62%
C. Ukupan broj djelimično realiziranih projekata	5	264.800,00	164.800,00	100.000,00
% djelimično realiziranih projekata (od A)	71,43%	25,73%		
% struktura (od C)			62,24%	37,76%
D. Ukupan broj u cijelosti završenih projekata	2	489.000,00	117.000,00	372.000,00
% djelimično realiziranih projekata (od A)	28,57%	47,52%		
% struktura (od D)			23,93%	76,07%

Sektor zaštite životne sredine

U sektoru zaštite životne sredine za 2018. godinu planirana su 4 projekta ukupne vrijednosti 231.000,00 KM, od čega 98.000,00 KM iz budžeta opštine (42,42%), a 133.000,00 KM iz eksternih

izvora (57,58%). Realizovano je 121.000,00 KM (52,38% od planiranog), od čega 49.000,00 iz budžeta opštine (40,50%), a iz eksternih izvora 72.000,00 KM (59,50%). Najvažniji projekat koji je realizovan je Unapređenje sistema upravljanja komunalnim otpadom (nabavka kamiona i kontejnera). Projekat Izgradnja vodovoda u seoskim naseljima Pjenovac i Kusače je započet i u 2018. godini je urađena projektna dokumentacija za Pjenovac. Projekat Zamjena starih uličnih svjetiljki LED rasvjetom je pomjeren sa realizacijom u 2019. godinu. Projekat energestke efikasnosti na zgradi Srednje škole je takođe višegodišnji projekat a u 2018. godini je započeta prva faza koja se odnosi na zamjenu prozora na sportskoj dvorani.

Tabela 5. Pregled planiranih i ostvarenih projekata u sektoru zaštite životne sredine u 2018. godini

PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	4	231.000,00	98.000,00	133.000,00
% struktura finansiranja od A			42,42%	57,58%
U REALIZACIJI				
B. Ukupan broj u cijelosti ili djelimično realiziranih projekata	4	121.000,00	49.000,00	72.000,00
% u cijelosti ili djelimično realiziranih projekata (od A)	100,00%	52,38%		
% struktura (od B)			40,50%	59,50%
C. Ukupan broj djelimično realiziranih projekata	3	38.000,00	11.000,00	27.000,00
% djelimično realiziranih projekata (od A)	75,00%	16,45%		
% struktura (od C)			28,95%	71,05%
D. Ukupan broj u cijelosti završenih projekata	1	83.000,00	38.000,00	45.000,00
% djelimično realiziranih projekata (od A)	25,00%	35,93%		
% struktura (od D)			45,78%	54,22%

3.3 Ključni rezultati i ostvareni progres

Na osnovu svih prikupljenih i obrađenih podataka o implementaciji projekata i mjera u izvještajnom periodu može se zaključiti da su godišnji rezultati vidljivi prije svega u društvenom sektoru gdje su se preduzimale značajne aktivnosti na jačanju stepena društvenog razvoja i kvaliteta života građana opštine Han Pijesak putem finansijske podrške kako iz vlastitih sredstava tako i eksternih izvora. Opština je i u prethodnoj godini realizovala projekte u oblasti zapošljavanja, primarne poljoprivredne proizvodnje, sporta i kulture, obrazovanja, zdravstvene i socijalne zaštite i ranjivih kategorija, bezbjednosti građana, upravljanja otpadom, uređenja objekata javnih ustanova i institucija, zatim projekte uređenja komunalne infrastrukture koji su neophodni za normalno funkcionisanje kao i unapređenje standarda i kvaliteta života građana.

Ekonomski razvoj

Sektorski cilj 2: Unaprijediti lanac vrijednosti u poljoprivrednoj proizvodnji

U toku 2018. godine u okviru projekta Uspostavljanje pijace u Han Pijesku, sanirane su dvije tezge dužine 10m i širine 1m, obojene dvije nadstrešnice i postavljen novi krov od polikarbonatnih krovni ploča. U okviru projekta Podrška razvoju lanaca vrijednosti u mljekarstvu opština je donijela odluku o sufinansiranju projekata Izgradnja prodavnice suvenira i domaćih proizvoda (koji će se u potpunosti realizovati u 2019. godini) te u te svrhe izdvojila 5.000,00 KM za pripremu zemljišta i temelja.

Očekivani rezultat ovih projekata je da do 2022. godine bude minimalno 35 poljoprivrednika korisnika Pijace, da se poveća prerada sirovog mlijeka za 10% u odnosu na 2016. godinu i da se poveća proizvodnja kajmaka-skorupa za 30% u odnosu na 2016. godinu

Društveni razvoj

Sektorski cilj 1: Ekonomski i društveno valorizovati razvoj objekata iz oblasti sporta, kulture, zdravstva i socijalne zaštite

U okviru ovog sektorskog cilja realizovana su dva značajna projekta Rekonstrukcija i sanacija Sokolskog doma i Sanacija objekta Doma kulture. Oba projekta su djelimično finansirana iz vanjskih izvora.

Rekonstrukcija i sanacija Sokolskog doma- Ovim projektom obuhvaćeni su:

1)građevinsko-zanatski radovi, 2)vodovod i kanalizacija i 3)mašinske instalacije.

1) U okviru građevinsko-zanatskih radova sanirani su stropovi (uvedena termoizolacija), obrađeni su zidovi i podovi, zamjenjena je kompletna fasadna i unutrašnja stolarija kao i fasada cijelog objekta,

2) Urađena je instalacija vodovoda i kanalizacije, elektroinstalacija (jaka, slaba struja i vatrodojava),

3)U okviru mašinske instalacije urađeno je grijanje sa priključkom na zgradu opštine.

(prostor-neto površina objekta -492,20 m2, bruto površina objekta-603,55 m2).

Ukupna vrijednost: 263.000 KM (opština 17.000 KM, eksterni izvori 246.000 KM)

Očekivani rezultat ovog projekta je da se do 2022. godine, poveća dužina trajanja sportskih aktivnosti u zatvorenim objektima za 40% u odnosu na 2016. godinu, da se poveća broj aktivnih članova sportskih udruženja za 35% u odnosu na 2016. godinu i da se poveća broj sportskih događaja za 40% u odnosu na 2016.godinu.

Sanacija objekta Doma kulture- Ovim projektom obuhvaćena je adaptacija, rekonstrukcija i sanacija postojećeg objekta, urađena je sanacija krova i krovne konstrukcije, kao i fasade zajedno sa fasadnom stolarijom. (prostor-neto površina objekta 638,40 m2).

Ukupna vrijednost: 226.000 KM (opština 100.000 KM, eksterni izvori 126.000 KM).

Očekivani rezultat ovog projekta je da se do 2022.godine poveća broj posjetilaca kulturnih manifestacija za 30% u odnosu na 2016.godinu i poveća broj kulturnih događaja za 40% u odnosu na 2016. godinu

Sektorski cilj 2: Poboljšati dostupnost i kvalitet predškolskog obrazovanja i odgoja

U okviru ovog sektorskog cilja djelimično je realizovan projekat Uređenje dječijih igrališta ukupne vrijednosti 15.000 KM. Uređena su 2 dječija igrališta i nabavljeno je 7 raznovrsnih sprava zajedno sa klupom i kantom za otpatke. (prostor-300 m2 površine za uređenje dječijih igrališta-dvije lokacije, oprema-klackalice, ljuljaške, tobogani , klupe). Očekivani ukupni ishodi ovog projekta je da se do 2022. godine poveća zadovoljstvo (80%) roditelja predškolskim sadržajima na području Han Pijeska putem izgradnje i uređenja 5 dječijih igrališta.

Sektorski cilj 3: Povećati efikasnosti i kapacitet lokalne samouprave

U okviru ovog sektorskog cilja započeta je realizacija projekta izrade Prostornog i urbanističkog plana. U 2018. godini je započeta tenderska procedura, ali nije okončana zbog žalbenog postupka. Ukupna vrijednost izrade ovih dokumenata je procijenjena na 50.000 KM.

Sektorski cilj 4: Poboljšati dostupnost, kvalitet i sigurnost javne infrastrukture

U okviru ovog sektorskog cilja planirana su i djelimično realizovana tri projekta. Projekat Uređenje gradskih parkova je realizovan u vrijednosti 9.300 KM i odnosi se na prvu fazu- uređeni su rasteri za parkovski mobilijar i dio zelenih površina. Projekat Izgradnja, sanacija i rekonstrukcija lokalnih puteva se odnosi na redovno godišnje ulaganje u održavanje putne infrastrukture na području opštine, pri

čemu je sanirano oko 1,7 km puta sredstvima koja su u nadležnosti implementacije Opštine Han Pijesak.

Projekat Nabavka vatrogasnog teškog navalnog vozila je djelimično realizovan – provedena je procedura javne nabavke, dok se konačna implementacija očekuje u 2019. godini. Vrijednost projekta je 300.000 KM (opština 100.000 KM i eksterni izvori 200.000 KM).

Očekivani rezultati ovih projekata su da do 2022. godine bude uspostavljen i funkcionalan sistem redovnog održavanja parkovskih površina, unapređena mreža lokalnih puteva za 10% u knjigovodstvenoj vrijednosti u odnosu na 2016. godinu i smanjeno vrijeme intervencije na gašenju požara za 30% u odnosu na 2016. godinu

Zaštita životne sredine

Sektorski cilj 1: Izgraditi komunalnu infrastrukturu (vodovodnu, kanalizacionu, upravljanje otpadom)

U okviru ovog sektorskog cilja započet je projekat Izgradnja vodovoda u seoskim naseljima Pjenovac i Kusače izradom projektne dokumentacije za vodovod u Pjenovcu vrijednosti 11.000 KM. Ovaj projekat treba da doprinese očekivanom rezultatu da se do 2022. godine poveća pokrivenost vodovodnom mrežom seoskih naselja za 50% u odnosu na 2016. godinu.

Drugi projekat koji je u cjelosti realizovan a čiji je nosilac implementacije bio JKP “Kraljeva Gora” d.o.o. je Unapređenje sistema upravljanja komunalnim otpadom ukupne vrijednosti 83.000 KM (opština 38.000 KM, eksterni izvori 45.000 KM)- nabavljen je polovni kamion za odvoz otpada i 22 kontejnera. Očekivani rezultat ovog projekta je da do 2022. godine bude prikupljeno 2.000 t otpada na području 5 mjesnih zajednica u opštini Han Pijesak i da se poveća količina prikupljenog i deponovanog otpada za 20% u odnosu na 2016. godinu

Sektorski cilj 2: Povećati energetska efikasnost i korištenje obnovljivih izvora energije

U okviru ovog sektorskog cilja planirani su projekti Zamjena starih uličnih svjetiljki LED rasvjetom ukupne vrijednosti 61.000 KM (sredstva su obezbijeđena u 2018. godini iz eksternih izvora), ali je implementacija pomjerena na 2019. godinu, jer nije bio urađen projekat i Projekat energetske efikasnosti na zgradi srednje škole, koji je djelimično realizovan zamjenom prozora na sportskoj dvorani u vrijednosti 27.000 KM (sredstva su u cjelosti obezbijeđena iz vanjskih izvora).

Očekivani rezultat ovih projekata je da do 2022. godine bude smanjena potrošnja električne energije koja se odnosi na sistem javne rasvjete za 50% u odnosu na 2016. godinu i smanjena potrošnja energenata u zgradi srednje škole za 30% u odnosu na 2016. godinu.

3.4. Vertikalna i horizontalna usklađenost i nivo integrisanosti

U toku 2018. godine ostvarena je značajna saradnja sa donatorima i obezbijeđena su finansijska sredstva iz eksternih izvora u iznosu od 544.000 KM što je 61,59% od planiranog iznosa. Najznačajnija donatorska sredstva su obezbijeđena za sljedeće projekte: Rekonstrukcija i sanacija Sokolskog doma, Sanacija objekta Doma kulture, Unapređenje sistema upravljanja komunalnim otpadom i Zamjena starih uličnih svjetiljki LED rasvjetom.

Najviše sredstava je izdvojeno za projekte u sektoru društvenog razvoja, zatim ekologije i na kraju iz ekonomskog sektora.

U narednom periodu se nastavlja realizacija povezanih, značajnih projekata koji se tiču svih sektora. Pomenuti projekti će dati značajan doprinos ostvarenju strateških ciljeva, a time i vizije Opštine Han Pijesak.

3.5 Institucionalni kapaciteti Opštinske uprave i saradnja sa bitnim akterima

U okviru Projekta integrisanog lokalnog razvoja podržanog od strane Razvojnog programa Ujedinjenih nacija (UNDP), pored procesa izrade Strategije lokalnog razvoja, izvršene su izmjene u unutrašnjoj

organizaciji i sistematizacija radnih mjesta i formirana je Jedinica za upravljanje razvojnim aktivnostima (JURA). JURA je zadužena za aktivnosti strateškog planiranja, implementaciju razvojnih projekata i mjera, praćenje i vrednovanje implementacije Strategije lokalnog razvoja i izvještavanje. Čine je zaposleni iz dvije organizacione jedinice pri čemu je jedan član iz Odjeljenja za opštu upravu, a dva člana iz Odjeljenja za upravljanje lokalnim razvojem, privredu i društvene djelatnosti. Pored toga, izmjenom u unutrašnjoj organizaciji i sistematizaciji radnih mjesta, načelnici svih odjeljenja u okviru Opštinske uprave su zaduženi za implementaciju strateških projekata i mjera iz vlastitih resora, a takođe po jedan službenik iz svakog odjeljenja je zadužen za prikupljanje podataka o realizaciji projekata i dostavljanje podataka članovima JURA-e.

U pogledu implementacionih kapaciteta ostalih aktera (poslovni sektor, organizacije civilnog društva i druge institucije) može se zaključiti da su dali značajan doprinos u implementaciji Strategije realizacijom pojedinih projekata i mjera.

Na području opštine, sektor civilnog društva ima slabe kapacitete za apsorpciju sredstava i implementaciju projekata ali se svakako treba izdvojiti nekoliko organizacija koje su svojim radom postale prepoznatljive.

4. KLJUČNI MAKROEKONOMSKI INDIKATORI

U skladu sa opštim trendom u regionu i smanjenjem broja stanovništva i u opštini Han Pijesak su izražene negativne tendencije u oblasti vitalne statistike. U polaznoj 2016. godini na području opštine je živjelo 3376 stanovnika prema procjenama Republičkog zavoda za statistiku, dok je u 2018. godini bilo 3302¹ stanovnika od čega je 885² bilo zaposleno, dok je nezaposlenih bilo 444. Prosječna neto plata je iznosila 762 KM, što je značajno ispod prosjeka Republike Srpske (857 KM).

Analizom makroekonomskih indikatora može se zaključiti da nije došlo do značajnijih promjena u odnosu na referentnu 2016. godinu. Broj zaposlenih je skoro isto, a broj nezaposlenih se smanjio sa 499 na 444 jer su pooštrene mjere Zavoda za zapošljavanje RS u smislu evidencije neaktivnih tražilaca posla dok je realno stanje nezaposlenosti ostalo isto.

Na osnovu analize dopunskih indikatora u cilju analize ostvarenja sektorskih ciljeva možemo istaći nekoliko pokazatelja: broj preduzeća na 1.000 stanovnika je 10, broj učenika na 1.000 stanovnika je 87, broj poljoprivrednih gazdinstava na 1.000 stanovnika je 87, dok je 30% stanovništva u sistemu organizovanog prikupljanja čvrstog otpada.

U nastavku je dat tabelarni prikaz makropokazatelja za polaznu 2016. godinu i izvještajnu 2018. godinu (ili zadnju godinu za koju su podaci dostupni)

R.B.	OSNOVNI INDIKATORI RAZVOJA	indikator	Polazno stanje			2018			Uporedni podaci 2018		
			2016			Republika Srpska					
			Ukupno	Muški	Ženski	Ukupno	Muški	Ženski	Ukupno	Muški	Ženski
	STEPEN RAZVIJENOSTI OPŠTINE	Nivo razvijenosti	Nerazvijena			Nerazvijena					
	Stanovništvo	broj	3376	1603	1773	3.302	1574	1728	1153017(+)	563187	589830
1	Zaposlenih stanovnika	broj	854	589	265	885	610	275	266309	147106	119203
		%		69%	31%		69%	31%		55%	45%
2	Nezaposlenih stanovnika	broj	499	195	304	444	165	279	96005	46856	49149

¹ Градови и општине РС, 2018, Републички завод за статистику, податак је за 2017. годину

² Плате запосленост и незапосленост, Статистички билтен, Републички завод за статистику, април 2019.

R.B.	OSNOVNI INDIKATORI RAZVOJA	indikator	Polazno stanje			2018			Uporedni podaci 2018		
			2016			2018			Republika Srpska		
			Ukupno	Muški	Ženski	Ukupno	Muški	Ženski	Ukupno	Muški	Ženski
		%		39%	61%		37%	63%		49%	51%
3	Ukupni prihodi po glavi stanovnika	iznos po glavi									
4	Investicije na teritoriji JLS (u stalna sredstva)	iznos									
4,1	Od toga, u nova stalna sredstva (ako su podaci dostupni)	iznos									
5	Broj preduzeća/1000 stanovnika	omjer	10			10			27(+)		
6	Prosječna neto plaća u KM	iznos	733			762			857		
7	Broj učenika osnovnih i srednjih škola na hiljadu stanovnika	broj	86			87			116(+)		
8	Socijalni transferi po glavi stanovnika	po glavi	82,80			84,30					
9	Broj ljekara/1000 stanovnika	omjer	1,5			1,5			2(+)		
10	Iznos realiziranih sredstava za prioritete iz razvojne strategije	iznos				459500					
	DOPUNSKI INDIKATORI RAZVOJA										
1	Udio realiziranih kapitalnih investicija u budžetu JLS	omjer									
2	Poljoprivrednih gazdinstava/1000 stanovnika	omjer	75,60			87,24					
3	Broj korisnika socijalne pomoći/1000 stanovnika	omjer	32			34					
4	Zdravstveno osiguranih lica u odnosu na ukupno stanovništvo	omjer	88,24			88,49					
5	Broj aktivnih članova u institucijama kulture (SKUD i biblioteka)	broj	262			367					
6	Broj aktivnih članova u sportskim institucijama	broj	261			280					
7	Pokrivenost domaćinstava sa pristupom kontrolisanoj vodi za piće	procenat	80%			80%					
8	Pokrivenost domaćinstava odvozom krutog otpada	procenat	30%			30%					
9	Broj naseljenih mjesta bez asfaltirane putne komunikacije	broj	8			7					
10	Broj domaćinstava bez pristupa električnoj energiji	broj	15			21					
11	Prosječna izmjerena vrijednost CO ug/m3	tona									

(+) – podatak za 2017. godinu jer za 2018. godinu još nije dostupan

5. ZAKLJUČCI I PREPORUKE

Realizacija strategije u 2018. godini je bila vrlo dobra, što pokazuje podatak da su svi planirani projekti završeni, djelimično realizovani ili je započeta realizacija u 2018. godini.

U pogledu finansijske realizacije stanje se može ocijeniti srednjim jer je finansijska realizacija 67,76 % (od planiranih 1.303.500 KM, realizovano je 883.300 KM). Za realizaciju projekata/mjera iz budžetskih sredstava je izdvojeno 35,32% od ukupnog iznosa dok je iz eksternih izvora obezbijeđeno 64,75% sredstava pri čemu je najviše sredstava donirala Vlada Republike Srpske.

Kada analiziramo planirana i izvršena sredstva prema izvorima, evidentno je da je od planiranih 459.500 KM iz budžeta, realizovano 339.300 KM ili 74% što je dosta dobro. Eksterna finansijska sredstva su bila planirana u iznosu od 844.000 KM, a realizovana u iznosu od 544.000 KM što iznosi 64,45% od planiranih sredstava. U ovom dijelu je neophodno uložiti dodatne napore i ojačati projektni tim (brojno i organizaciono) kako bi se više projekata apliciralo i kako bi se privukla dodatna sredstva iz eksternih izvora.

Ako posmatramo ostvarenje sektorskih ciljeva, možemo zaključiti da su ciljevi u društvenom sektoru i sektoru zaštite životne sredine dijelom ostvareni i da su na dobrom putu da budu ostvareni u potpunosti do kraja petogodišnjeg planskog perioda, dok su najslabiji rezultati ostvareni u ekonomskom sektoru.

Prilikom evaluacije rezultata i ishoda, bitno je uzeti u obzir da se Opština susrela sa novim načinom planiranja po MiPRO metodologiji i da su nesumljivo načinjeni određeni propusti u definisanju prioriteta i njihovom integrisanju u strateške i sektorske ciljeve, što posebno stvara probleme prilikom izrade trogodišnjih planova implementacije, tako i prilikom samog realizovanja projekata/mjera i izvještavanja o istom.

U narednom planskom periodu posebnu pažnju treba posvetiti:

- **Raditi na unapređenju saradnje i protoka informacija unutar Opštinske uprave** kako bi se poboljšali razvojni procesi i unaprijedila uloga Opštinske uprave u planiranju lokalnog razvoja.
- **Daljem unapređenju saradnje svih aktera na lokalnom nivou** (poslovnog i civilnog sektora, javnih ustanova i institucija) u procesu strateškog planiranja, implementacije i evaluacije rezultata. U toku izrade Strategije lokalnog razvoja, u periodu 2017-2018. godina, ostvarena je značajna saradnja koju dalje treba jačati.
- **Kvalitetnoj i blagovremenoj pripremi projektnih prijedloga za apliciranje na dostupne eksterne izvore finansiranja.** Za određene projekte koji podrazumijevaju izvođenje infrastrukturnih radova, neophodna je priprema određene dokumentacije (elaborati, idejni projekti, glavni projekti, programi, studije izvodljivosti). Stoga je neophodan planski pristup odnosno neophodno je blagovremeno planirati sredstva u budžetu za izradu nedostajuće projektne dokumentacije. Takođe je neophodno vršiti analizu dostupnih fondova kako bi se što više iskoristili raspoloživi eksterni izvori za finansiranje projekata.
- **Jačanju projektnog tima opštine Han Pijesak** u smislu obuka osoblja za pripremu projektnih aplikacija i upravljanje projektnim ciklusom kako bi se što više sredstava za razvojne projektne obezbijedilo iz eksternih izvora.

Izveštaj izradila:

Slavica Ašonja

ANEKSI

Odobrio Načelnik opštine:

Vlado Ostojić

- Plan implementacije Strategije lokalnog razvoja opštine Han Pijesak 2018-2020. godina
- Izvršenje budžeta za 2018. godinu – Izveštaj o realizaciji budžeta